

s158

~~12/10/6~~

L. Muduvhadzi

1.

1-1

A thuri.

Thuri i ofhiwa nge vhathu vha vha na lutendo lwauri thuri i a kona u dzhena kha muthu ya mu lwadza. A fha ho nwalwa zwine zwa pfi thuri i a zwi ita, na zwine zwa pfi pfanelo dzashu.

2. Arali muthu a tshi vhona thuri, dzi anza u tshimbila nga mulayo wadzo, dzi tshimbila dzo beba mitshila, dza tou tevhekana ya phanda i ya tsadzi, yo salwa nga ya mboho murahu, a dzi fhiri tshivhalo, dzi nga tou vha thanu, kana thanu na nthihi, nangwe dzi nna, a dzi fhiri henefho he ha ambiwa.

Khezwiha, zwa u dina musí muthu a tshi dzi vhulaha, ha sokou u thoma u rwa, ha nga vhulahi dzi padako tharu, ngauri a tshi rwa ya u thoma dzinwe dzi a shavha. Hu pfi ane a tangana nadzo, a dzi hasho mavu, a kone u vhulaha. Arali a tshi thoma urwa, a songo dovholola he a rwa, inwe na inwe a i rwe khathihi, dzothe dzi do fa. U dzi hasha nga mavu, ndi u itela uri dzi si shavhe, ngauri ya hashiwa nga mavu i a noka, zwino u vhulaha dzi dinani dzo no noka.

3. Muse o dzi vhulaha, ha dzi lati, u a dzi dzhia a dzi isa nangani, huno, zwi ne zwa do itwa zwi do pfala murahu. Hoyo muvhulahi, u do zwi pfa uri henefho hune thuri dza vha hone, hu a nukha, ndi uri hupfi thuri dzi a sula, huno areli dza ralo u sula ene muvhulahi e tsini, u a phupha, a tou nga muthu we a nwa halwa, ndi uri we a kambiwa. Arali onoyo o phuphaho a songo ya nangani, a phuphululwa, u do dzula o ralo, u swika a tshi fa. Zwine nanga ya ita zwone ngezwe, u dzhia dzila thuri, a tshea zwivhunu zwadzo, a tanganya na mishonga, vha mu lisa, musí o fhedza, nanga i a mu thavhela.

4. Arali thuri dzo tou sula fhedzi a songo dzi vhulaha, zwi a fhambana na musí o dzi vhulaha. A fha ha tou phupha, u tou lwala vhukuma, hone vhulwadze ha hone vhu da teu koniwa nga nanga khulwane, dzine dza vha na ndivho khulwane khazwo, vhone vha tou muphuphulula nga mishonga yavho fhedzi.

Line la dzula khavho ngeli, vhari, arali u tshi via thuri, u songo phula mala ngauri arali wa a vhona u a swinga.

Mahulwane, ane thuri ya ofhelwa one, ndi a uri thuri i a kona u dzheniswa kha muthu nga vhanwe vhathu, eneo-a vha funi u a bula ngauri arali aamba u do pfi ndi muloi, huno eneo ha nga divhiwi, ngauri a vha a ambi.

- Ane ra a wana ndi a ku ilafhele kwa muthu are na thuri, musii dzo no divha ngomu ha muthu. Muthu are na thuri u sokau thoma u amba zwi sa fheli, a tou nga u khou fhafhada. Hu do vhidzwa
5. nanga, yone i da na thangu ya thoma u tungula uri a vhone arali nga ngoho dzi dzone thuri. Musi o zwi vhona, u a dzhia mushonga, a tou mu aravhedza, huno dzone dzi do tou amba nga ula mulwadze. Hupfi haya ndi maipfi e a ambiwa nga thuri dzi kha vhanwe vha lwadze. "Rine ro tou rumiwa u ri ri de, fhedzi he pfi ri vhuye nae." Nanga yone iri i bvani, ni mu litshe hoyu muthu. Huno musii vha tshi di mu aravhedza, dzi a amba na mune wadzo we a dzi ruma. Nanga yone i di ri ibvani ni mu litshe hoyu muthu. Arali nanga yo pfana na vhala vha lwalelwaho uri a dzi vhuyedzedze ha
6. mune wadzo, u amba nadzo ari ibvani ni ye ha mune wanu. Huno dzone, dzi do tuwa dza yo dzhena kha ene mune kana wa hawe. Hu pfi maduvhani ano a vha tsha dzi humisela ha mune wadzo, ngauri arali a dzi humisa vha vho tou langana, vhe vhanzhi, vha dzhenisa nzhi, vha vho tou longa na nama yayo, henefho nanga i nga si tsha zwi kona u dzi bvisa.

Dzinanga dzine dza zwi divhesa, dza dzi bvisa dzi mbo di dzi vhulaha, vha dzhia zwipida zwa ~~ni~~ munwe murado vha tanganya na munwe mishonga, vha kona u vhuyedzedza ha mune wadzo.

ENDS.